

Հայրապետիս մերո Աղեքսանդրի, Հռոմա, Անտիոքո և Եփեսոսո. որ էին ի քո հիպատին պայծառ և համադաւան, իսկ ի յարդիս զաշացուք և պակասեալք, չքաւորեալ և աղքատացեալք: Եւ մեք ի [Թղ. 18բ] նոյն կացեալք անշարժք և անվրդով՝ յիսկզբանէն և յառաջինն՝ յաւանդութիւն և ի սահման առաքելոյն շինեալք և ամրացեալք: Բլ աւժանդակեալք՝ խարսխեալք և հաստատեալք, զի թէ ոչ Տեառն զաւրութեանց թողեալ էր զքեզ մեզ զաւակ՝ եղեալ էաք իրրե զՍողոմ և զԳիոմոր, այսինքն զորս յիշեցի նախ:

Բանգի չէ և չէ ազգ անբիծ և անարատ ի հաւտըս և ի գործս բայց ի մէնջ: Զի թէպէտ և քաղաքաւ և առաքելաւ և բազմութեամբ պանծան՝ սակայն ոչ տեղեաւ ընտրի ոք՝ և ոչ ընդ բազումս հաճի Տէր: Զի լաւ է մի կամարար Տեառն քան զբիւրս զանցեալ: Եւ որ զգործս Աբրահամու գործէ, նա է որդի նորա. նոյնպէս և որ զսահմանս առաքելոցն պահէ՝ նա է աթոռակալ նոցա: Ապա թէ այսպէս է՝ մեր աթոռ է վեհագոյն ամենեցուն, հաւասար աւետարանչաց և աշակերտաց. զի զնոցայն չըւէ ուղի: Եւ զայս քեւ ունիմք, ով երանելիդ Մեսրոբ՝ որ բացատրիս՝ տէր սուրբ և սեփական:

Բլ երանելի եղև աշխարհս մեր. պերճ